

BOSNA I HERCEGOVINA
Federacija Bosne i Hercegovine
TUZLANSKI KANTON
Ministarstvo trgovine, turizma i saobraćaja

Broj:05/1-11-034191/25
Tuzla, 14.11.2025. godine

Na osnovu člana 64. stav (1), tačka a), člana 70. stav (3) i (6) Zakona o javnim nabavkama („Službeni glasnik BiH” br. 39/14, 59/22 i 50/24) i Zapisnika o ocjeni ponuda sa preporukom Komisije za izbor najpovoljnijeg ponuđača, broj: 05/1-11-029480-3/25 od 27.10.2025. godine, ministar trgovine, turizma i saobraćaja d o n o s i:

O D L U K U
O IZBORU NAJPOVOLJNIJEG PONUĐAČA

Član 1.

Prihvata se preporuka Komisije za javnu nabavku u sklopu Zapisnika o ocjeni ponuda broj: 05/1-11-029480-3/25 od 27.10.2025. godine, da se u cilju odabira najpovoljnijeg ponuđača po provedenom otvorenom postupku za nabavku usluge izrade Studije javnog prijevoza putnika na području Tuzlanskog kantona, Ugovor za javnu nabavku dodijeli ponuđaču “TQM” Institut za kvalitet, standardizaciju i ekologiju d.o.o. iz Tuzle, sa sjedištem u ul. Nikole Tesle 3C, 75000 Tuzla, ID: 4209977290008, sa najpovoljnije ocijenjenom i prihvatljivom Ponudom za predmetnu nabavku usluge, za ponuđenu cijenu od 64.940,00 KM bez PDV-a.

Član 2.

Prijedlog ugovora o nabavci dostavit će se na potpis izabranom ponuđaču “TQM” Institut za kvalitet, standardizaciju i ekologiju d.o.o. iz Tuzle, najkasnije u roku od 10 dana, računajući od dana od kada je ponuđač obaviješten o izboru najpovoljnijeg ponuđača.

Član 3.

Ova Odluka objavit će se na web-stranici Ugovornog organa (www.vladatk.kim.ba) istovremeno s upućivanjem primjerka Odluke ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama („Službeni glasnik BiH” br. 39/14, 59/22 i 50/24).

Član 4.

Ova odluka stupa na snagu danom donošenja.

O b r a z l o ž e n j e

Postupak javne nabavke pokrenut je Odlukom o pokretanju postupka javne nabavke, broj: 05/1-11-029480/25 od 01.10.2025. godine. Procijenjena vrijednost javne nabavke iznosi 64.950,00 KM.

Javna nabavka je planirana u Planu javnih nabavki za 2025. godinu, za nabavku usluge izrade Studije javnog prijevoza putnika na području Tuzlanskog kantona, pod rednim brojem 25.

Javna nabavka je sprovedena putem otvorenog postupka javne nabavke.

Predviđeno je zaključivanje ugovora sa jednim ponuđačem do 31.12.2025. godine. Kriterij za ocjenu ponuda je "ekonomski najpovoljnija ponuda" tehnički zadovoljavajuće ponude. Obavještenje o nabavci usluge broj: 698-1-2-30-3-33/25 je objavljeno na Portalu javnih nabavki (www.ejn.gov.ba) 07.10.2025. godine.

Komisija za javnu nabavku imenovana je Rješenjem broj: 05/1-30-004802/25 od 10.02.2025. godine. Komisija za javnu nabavku dostavila je Zapisnik sa otvaranja ponuda broj: 05/1-11-029480-2/25 od 27.10.2025.godine, Zapisnik o ocjeni ponuda sa preporukom Komisije o izboru najpovoljnijeg ponuđača, 05/1-11-029480-3/25 od 27.10.2025. godine u postupku javne nabavke usluge izrade Studije javnog prijevoza putnika na području Tuzlanskog kantona.

Komisija je, u skladu s članom 1. ove odluke i nakon provedenog postupka, utvrdila da su blagovremene i pravilno dostavljene ponude sljedećih ponuđača:

1. „Radis“ d.o.o. Istočno Sarajevo,
2. „IPSA Institut“ d.o.o. Sarajevo,
3. Institut za građevinarstvo „IG“ d.o.o. Banja Luka i
4. „TQM“ Institut za kvalitet, standardizaciju i ekologiju d.o.o. Tuzla.

Konstatovano je:

- da su sve dostavljene ponude blagovremene i uredne,
- da ponuda ponuđača Institut za građevinarstvo „IG“ d.o.o. Banja Luka nije bodovana, iz razloga što rok za izvršenje usluge naveden u ponudi (100 dana), prelazi rok za izvršenje usluge propisan u tenderskoj dokumentaciji, odnosno 31.12.2025. godine,
- da je cijena ponuđača „Radis“ d.o.o. Istočno Sarajevo neprirodno niska, o čemu je Komisija, u skladu sa odredbama člana 66. Zakona o javnim nabavkama i Poglavlja 8. tačka 8.5. Tenderske dokumentacije, tražila pisano obrazloženje,
- da je nakon dostavljenog obrazloženja utvrđeno da ponuđač „Radis“ d.o.o. Istočno Sarajevo, u postupku nabavke ispunjava formalno - pravne uslove u skladu sa Zakonom o javnim nabavkama i otvorenog postupka javne nabavke,
- da je nakon dostavljenog i od strane komisije prihvaćenog obrazloženja za neprirodno nisku cijenu, ponuđač „Radis“ d.o.o. Istočno Sarajevo, ponovno dostavio pismeno obavještenje u kome navodi da nije u mogućnosti preuzeti obaveze realizacije usluga na koje se odnosi navedena predmetna nabavka, te da ne bi mogao ispuniti obaveze koje bi proizašle iz dodijeljenog ugovora,
- da je Komisija dala preporuku ugovornom organu za donošenje ove odluke.

U postupku donošenja ove odluke, posebno su cijenjene činjenice da je Komisija pravilno izvršila ocjenu kvalifikovanosti ponuđača te ocijenila prispjelu ponudu u skladu sa Zakonom o javnim nabavkama („Službeni glasnik BiH” br. 39/14, 59/22 i 50/24) i kriterijima iz otvorenog postupka. Uzimajući u obzir naprijed navedeno, primjenom člana 64. stav 1. tačka a) Zakona o javnim nabavkama („Službeni glasnik BiH” br. 39/14, 59/22 i 50/24), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku usluge.

POUKA O PRAVNOM LIJEKU: Protiv ove Odluke ponuđač koji je učestvovao u postupku nabavke može izjaviti žalbu u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa Ministarstva trgovine, turizma i saobraćaja Tuzlanskog kantona, u pisanoj formi direktno ili preporučenom poštanskom pošiljkom na adresu ugovornog organa. Žalba se podnosi u najmanje 3 (tri) primjerka.

Dostavljeno:
4x Ponuđačima
1x a/a



MINISTAR

Almir Žilić, dipl. ing.